

## 3 YOHANUS

### Yohanusnge waŋe keŋnu kuyarna

Yohanus nu saibo pile mayemba waŋe keŋnu te tanjo ande nyunu Gaius tuku kuyarmba pilna le nu sota kina.

<sup>1</sup> Gaius kaiye. Ye siŋka ne tuku kume purmba minet. Ye Kuate tuku mbal tuku kulat tanjo saibonu ye ne ndoŋ pasa-pasakam prowet.

<sup>2</sup> O tira, ne tuku kanu maye minit ta ye kila. Ne tuku wam ŋakmba ŋgarosu turmba mage minam tuku ye Kuate yabaŋet.

<sup>3</sup> Tira afu ye tugum promba ne pasa tugusek son ŋga dubite ta kubede le ismba gare toret. <sup>4</sup> Tane ye tuku kiŋo kame maŋau tugusek dubide le afu pro sayade le ismba gare tet ta wam afu tuku gare tet ta lite.

#### *Gaius tuku maŋau mayenu*

<sup>5</sup> O tira, ne nane afu kilmba wakeika tira afu rawe mbal mata prode le wakeikate ta ne lafunu kumumbi tamŋat. <sup>6</sup> Mbal ta nane pronaig sulumba ne nane tuku kume purmba minit ta kubeu siŋginaig le sine Kristus tuku kuasmbi tenge mineg te sine isgeŋ. Ne nane Kuate tuku piro mbal ŋga nane kilmba wakeika wam afumbi nane tuku piro turkate ta ne wam mayete. <sup>7</sup> Nane Kristus tuku piro kam tuku naŋgine tumbraŋ kusreka kine likade. Kasomok mbal tugumnge nane agaŋ ndende nda kilig. <sup>8</sup> Ta tuku sinenge nane turka Kristus tuku pasa tugusek kuklide mbal ndoŋ piro tuma taŋaŋ minbe.

*Diotrefes tuku maṅau ṅayonu*

<sup>9</sup> Ye buk waṅe ande tane Kristus tuku kuasmbi tuku kuyaren ta Diotrefes nuṅe mironṅ gabat minam saka ye tuku pasa pitaimba te-ibenṅna. <sup>10</sup> Ye tane tugum prowi ta ye nu tuku maṅau ta tane tugumṅge te-mayokamṅgit. Nu ake sinaṅ ye tuku nyu ṅayo silite. Ta ndo kuga. Nu tira mbal rawe mbal nu tugum prode le pitaikate. Afu nane tuku pasa isam bafude ta nu nane peuniṅmba Kristus tuku mbal ṅgamukṅge pitaikate.

*Demetrius tuku maṅau mayenu*

<sup>11</sup> O tira, ne maṅau ṅayonu ta dubi ndawa. Maṅau magenu ndo dubika mina. Ande nu maṅau mayete ta nu Kuate tuku. Ande nu maṅau ṅayote ta nu Kuate gilai.

<sup>12</sup> Tanṅo pino ṅakmba Demetrius tuku maṅau mayenu ta kubede le iseg. Nu tuku maṅau tugusek kilimok mayok kinit ṅga sakade le iseg. Ye mata nu tuku maṅau mayenu ta tuku saket. Nane nu tuku sakade ta son pasa.

<sup>13</sup> Ye pasa afu sunṅomba ne sanam tuku ta waṅe te mbolṅge kuyaram idus ndawet. <sup>14</sup> Mine minemba ye ne tugum pro munṅu kaṅgerka pasapasakam iduset.

<sup>15</sup> Ne ṅgamunṅal mukuk ṅak mina ṅga ye Kuate yabaṅet. Tira kame afu tenṅe minig nane mata ne kaiyenade. Tira kame afu ne ndoṅ minig ta ne nane turmba ye tuku kaiye pasa te saniṅga le iswaig.

Son.

**KUATE TUKU PASA**  
**Portions of the Old Testament and The New Testament**  
**in the Siroi Language of Papua New Guinea**  
**Sampela hap Buk Baibel long tokples Siroi long**  
**Niugini**

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 22 Feb 2024 from source files dated 31 Aug 2023

9d2e8659-afb4-5cca-93d8-23ebf89e1709